

provenire asserunt, clarè depingit *Pergamenus* (x) his verbis. (x) in aph.  
*Cum in nullo horum* (neque in gutture neque in faucibus) appa- *Hipp. com.*  
*ruerit tumor, neque ore aperto in faucibus, neque extrinsecus, homi-* *4. aph. 35.*  
*nem verò contigerit non posse devorare, symptoma est lethale, contin-*  
*gens ex inflammatione, quandoque muscutorum gulam munientium,*  
*quandoque verò gulæ ipsius: est enim quadam communio partibus*  
*istis per ligamenta ac nervos cum medullâ spinali, & membranis ipsam*  
*ambientibus, ac præterea ossibus vertebrarum, quæ bis extrinsecus.*  
*Extentis itaque ad partes inflammatas ligamenti & nervi, trahi*  
*vertebras vel intus, vel ad latus, est necessum: siquidem in alterâ ner-*  
*vi propagine fieri tensionem contigerit ad latus, si verò in ambabus,*  
*extra. Conferatur Zacutus Lusitanus (y).* (y) lib. 8. c. 2.

§. 7. Est autem hæc ex luxatione vertebrarum colli angina rara, & vix occurrit nisi in tenerâ cervicē præditis, ut in infantibus & pueris, quando durius à nutricibus tractantur. Imò si rem exactius perpendamus, vix videtur ejusmodi luxatio novam anginae speciem constituere, cum sine inflammatione muscutorum gutturis vel faucium fieri nequeat: erit itaque aut minus propria censenda differentia, aut ad priores reduci poterit.

§. 8. Sunt & aliæ differentia Medico pensandæ, & quidem ratione *magnitudinis*, ubi alia inflammatio est major, alia minor, indeque periculum majus vel minus expectandum: quò enim major fuerit inflammatio, major compressio, & magis præceps suffocationis periculum metuendum, unde ad prædicendam mortem, & ad curationem extremam cum periculo suscipiendam Medicus adducetur, quemadmodum contrà si minor fuerit inflammatio, minus quoque præcipitanter & dubiè res peragenda.

§. 9. Ratione *causarum internarum* alia oritur à sanguine sincero, inprimis in corporibus plethoricis, alia à bilioso humore, alia à pituitâ, alia à Melancholia, quæ tamen rarò contingit. Quæ à sanguine puro & bilioso provenit exquisita vocatur, quæ verò à pituita & melancholia, spuria & minus exquisita.